

Cronica dalla Societad da musica Trun onn da musica 2022/2023

Lincs plan d'exerceci e films sin youtube

- [Linc Plan d'exerceci](#)
- [Arosa \(2021\)](#)
- [Winter Wonderland \(2022\)](#)
- [GP Vignogn \(2022\)](#)
- [Fiasta districtuala a Val s. Pieder \(2023\)](#)
- [canal da youtube dalla SMT](#)

25-11-22

158avla radunonza generala dalla SMT ella Pizzeria da Stefano (Dulezi).

30-11-22

A caschun dalla fiasta d'inauguraziun dil niev president dil cussegl naziunal Martin Candinas da Rabius han las commemoras ed ils commembers dalla Societad da musica Trun ensemen cun autras musicas dalla regiun accumpignau el naven dalla staziun a Mustér entochen sin clastra.

[Linc dall'emissiun «Tagesschau».](#)



6-01-23

Emprem exerceci dil niev onn da musica.

14-01-23

Sera da ventschidas ell'ustria da Stefano. Nus essan sesi da cumpignia ed havein tschenau grondius. Ils giugs e las producziuns han fatg cuort'urala.

18/19-03-23

Sonda naven da miezdi e dumengia entochen miezdi ha il camp da preparaziun pil concert annual giu liug. Nus essan stai dabia musicantas e musicants. Nus vein fatg buna lavur. Tier la Beni el Tschutt havein nus gudiu la sonda sera ina buna tscheina. La dumengia avon gentar essan nus sepresentai cul program da concert avon entginas aspectaturas ed entgins aspectaturs. Ins ha sentiu, che las forzas eran bu pli avon maun sco all'entschatta d'il camp. Denton hai fatg bein da sunar avon publicum.

16-04-23

Sco usitau havein nus accumpignau las empremcommunicantas ed ils empremcommunicants cun in salid musical da Dumengi'alva.

29-04-23

La sonda sera allas 20.00 ha la SMT sunau il sulet concert annual. Perquei che l'Agrischa a Glion ha liug quella fin d'jamna, astgein nus dar in concert ella tenda da fiasta dall'Agrischa la dumengia suenter miezdi.

Nus havein astgau sepresentar avon ina sala plena. Il program musical ei staus fetg pretensius. Il MacArthur Park ed il Napoleon On The Alps ed il Napoleon On The Alps ein ils liungs tocs e tecnicamein era grevs. Cun Napoleon astgein nus lu aunc sepresentar enta Val s. Pieder a caschun dalla fiasta districtuala.

musicantas e musicants	dirigent Adrian Degonda soprano Erika Bearth-Bischof solo cornet Richard Gadola (vize-dirigent) Adrian Seiler Eligius Tambornino Rolf Abächerli (Linard Tambornino) repiano Lara Vincenz Irina Decurtins secund cornet Vanessa Wolf Marc Cagienard Patric Caviezel tierz cornet Simon Bendi Cerano Albin Daniela Vincenz Naïla Simeon trumba Michel Derungs tgier en es Sandro Decurtins Mengia Risch-Decurtins Tino Cadruvi	emprem bariton Ricarda Tuor-Albin secund bariton Thomas Wolf Claudia Wolf-Caduff eufoni Robert Tuor Ursin Derungs posauna Andriu Tambornino Enrico Mazzetta Ivan Albrecht bassposauna Gion Simeon bass en es Manuel Lombris Marius Albin bass en b Martin Decurtins Samuel Wolf ritmica David Tiri Gion Decurtins Ursin Hitz Flavia Schaniel	Pearl Harbor Hans Zimmer arr. Frank Bernaerts Guardian Of My Soul Darren Shaw Trompeterruf-Marsch Arthur Ney Napoleon On The Alps Philip Harper MacArthur Park Jimmy Webb pausa Goldeneye Eric Serra arr. Ted Parson adapt. Bertrand Moren Glorious Ventures Peter Graham solist Richard Gadola Hymn To The Fallen John Williams arr. Klaas van der Woude Wild West! Ennio Morricone arr. Sandy Smith societad da musica TRUN
-------------------------------	---	--	--

30-04-23

All'Agrischa essan nus sepresentai dil til avon miezdi ed ella tenda da fiasta sunter miezdi. Dil til era la via fullanada cun glieud dretg e seniester. Ina biala experientscha per pign e grond, giuven e vegl. Ella vasta tenda da fiasta era ei fetg dad ault, aschia che nus havein plitost dau il



concert per las empremas retschas e per nus. Ei ha denton tuttina fatg bein da sunar avon in grond publicum, enstagl da dar in secund concert a Trun avon ina sala vita.

14-05-23

Dil di dallas mummas ha la SMT sunau avon messa en sin plaz cadruvi. Duront messa havein nus sunau olla Casa s. Martin e gratulau a tut las giubilaras ed a tut ils giubilar.

20-05-23

La sonda sunter miezdi ha la SMT sunau si Breil el Burleun a caschun dalla nozza da Samira ed Andriu. Il spus e la spusa han astgau direger in toc, ils aspectaturs han accompignau la musica cun differents instruments da ritmica. Sunter la producziun ha ei dau in bien apéro.

21-05-23

Alla Messa caudonn da nies commember d'honor Silvan Wolf ha la musica sunau entgins tocs. Il salid musical ha segir contonschiu nies Silvan.

03-06-23

Nies secund punct culminont da quei onn da musica ei la fiasta da musica districtuala a Val s. Pieder. Gia a bunura essan nus semess sin viadi viers Val. Egl auto da posta han enqualin aunc durmiu, auters han siult e tshels han fatg nuot. Arrivai a Val havein nus sunau naven dallas 7.50 – 8.20 per la produziun dil toc da pag. Il concert cun Napoleon on the Alps havein nus giu allas 8.50. Cun 87.67 puncts havein nus gudignau ella tiarza categoria.



Linc toc da pag: https://www.youtube.com/watch?v=ueuU_NHZ6QU

resultat toc da pag

3. Klasse Brass Band

Rang	Verein	Selbstwahlstück	Dirigent:in	Punkte
1	Societad da musica Trun	Napoleon on the Alps	Adrian Degonda	87.67
2	Stadtmusik Ilanz / Musica da Glion	The Journal of Phileas Fogg	Daniel Kollegger	86.00

Suenter la producziun essan nus stai a gentar per vegnir tier novas forzas per la musica da marschar. Nus essan sepresentai allas 14.35. Cun 90.00 puncts essan nus setschentai sil plaz 4.

resultat musica da marschar

TRADITIONELLE PARADEMUSIK (Wertungsspiel mit Bekanntgabe der Punktzahl)

Rang	Verein	Marsch	Klasse	Dirigent:in	Punkte
1	Societad da musica Falera	Rumisberger-Marsch	BB 2	Duri Cathomen	93.67
2	Societad da musica Vignogn	Black Dyke	BB 2	Remo Derungs	93.00
3	Stadtmusik Ilanz / Musica da Glion	Ceño	BB 3	Daniel Kollegger	92.00
4	Societad da musica Trun	Trompeterruf-Marsch	BB 3	Adrian Degonda	90.00
5	Uniun da musica Sagogn	Marignan	BB 2	Stefan Roth	87.33
6	Societad da musica Sumvitg/Cumpadials	Rumisberger-Marsch	BB 4	Benjamin Moser	86.67
-	MG Obervaz/Lenzerheide (Gastverein)	Viva Arogno	BB 2	Ursin Widmer	84.67
7	Societad da musica Suraua	Golden Bridge	BB 4	Hendri Riedi	83.67
8	Musica Greina Vrin	Slaidburn	BB 4	Corsin Alig	83.33
9	Societad da musica Danis/Tavanasa	Rumisberger-Marsch	BB 4	Toni Schuoler	83.00
9	Societad da musica Mustér	Schwyzer Soldaten	BB 4	Simon Bühler	83.00
11	Societad da musica Lumbrein	Casaulta	BB 4	Sabrina Sgier-Herzig	82.67
12	Musikgesellschaft Alpenrösli Safien	Slaidburn	BB 4	Deborah Margni Blumer	79.00

Contentts essan nus en mintga cass. Suentar in liung di han tuts gudiu la fiasta ella vasta tenda a Val. Tochen l'auter onn a Claustra tier la fiasta cantunala.

Impressiuns dalla fiasta da musica a Val s. Pieder





25-06-23

Uonn ha la SMT sunau sco usitau alla pardananza o Zignau. Cun producziuns avon e suenter messa ha la musica embeliu la pardananza.

26-08-2023

Biaras e biars dalla SMT cun famiglia e partenari ein sentupai sil Boden sut tier ina grillada. Nus essan stai da cumminanza, vein gudiu las bunas ligiongias, las bunas salatas ed il bien dessert. Tier in glas vin alv ni in pier havein nus filosofau e raquintau sur da quei e tschei. Engraziel als Tamborninos per l'organisaziun.

10-09-22

Uonn ha la SMT sunau sco usitau alla pardananza si Nossadunna. Ils suandonts tocs havein nus sunau si Nossadunna ed era alla pardananza a Trun: Trompeterruf-Marsch, The Lord Is Gracious, Stal Himmel, Happy Marching Band, Frohes Wiedersehen, Credo, Polca da Campliun

01-10-23

Uonn ha la SMT sunau sco usitau alla pardananza a Trun. Cun produziuns avon e suenter messa ha la musica embeliu ella.

21-10-23

Produciun a caschun dalla sera famigliara a Trun. Allas 22.00 ei la musica sepresentada cun entgins cuorts tocs alla fiasta dalla sera famigliara. Cun marschs e polcas havein nus purtau in salid musical al publicum. El ha schau plascher.

Il diember actual da commemoras e commembers dalla SMT dumbra 27.

october 2023

Igl actuar

Andriu Tambornino